

UPRAVA DRUŠTVA**GENERALNA DIREKCIJA**

Broj: U.D.01.04.-8904/21
Sarajevo, 11.06.2021. godine

Na osnovu člana 45. Statuta, člana 70. Zakona o javnim nabavkama ("Službeni glasnik BiH" broj: 39/14), i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te preporuke Komisije za nabavku Robe: Održavanje i servisiranje vozila za potrebe Centra pošta Travnik, broj: 07.4-11-9-3039-17/21, od 08.06.2021. godine, Uprava Društva na 70.elektronskoj sjednici održanoj dana 11.06.2021. godine, d o n o s i:

O D L U K U**o izboru najpovoljnijeg ponuđača u postupku nabavke Robe:
Održavanje i servisiranje vozila za potrebe Centra pošta Travnik**

I

Ovom Odlukom vrši se izbor najpovoljnijeg ponuđača: „**AUTO AKI**“ d.o.o Travnik , Ulica Šehida bb, 72270 Travnik, u postupku nabavke Robe: Održavanje i servisiranje vozila za potrebe Centra pošta Travnik sa ukupnom vrijednošću okvirnog sporazuma, bez uračunatog PDV-a u iznosu od **30.000,00 KM**, odnosno ukupnu vrijednost okvirnog sporazuma od **35.100,00 KM** sa uračunatim PDV-om.

II

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

III

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. zakona o javnim nabavkama u formi i sadržaju kako je to zahtijevano tenderskom dokumentacijom ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

O B R A Z L O Ž E N J E

Na osnovu Odluke o pokretanju postupka javne nabavke roba – Nabavka dijelova i servisiranje vozila za potrebe Centra pošta Travnik br. U.D.01.04-5604/21, od 07.04.2021. godine, rješenja Generalnog direktora za provođenje postupka nabavke roba- Nabavka dijelova i servisiranje vozila za potrebe Centra pošta Travnik broj: 01-11-9-3039-2/21, od 08.04.2021. godine, Komisija je provela postupak javne nabavke, putem konkurentskog zahtjeva u predmetu nabavke dijelova i servisiranje vozila za potrebe Centra pošta Travnik ,sa objavljivanjem Obavještenja o nabavci broj: 238-7-1-260-3-78/21, na Portalu javnih nabavki dana 18.05.2021.godine. Istovremeno, ugovorni organ je omogućio neograničen i direktan pristup tenderskoj dokumentaciji br 07.4-11-9-3039-10/21, putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.

Javno otvaranje ponuda u postupku predmetne nabavke je održano dana 28.05.2021. godine u 10:15h, u Banket sali Generalne direkcije "JP BH POŠTA" d.o.o. Sarajevo, Obala Kulina bana br.



8, o čemu je sačinjen poseban zapisnik broj: 07.4-11-9-3039-16/21. Po završetku javnog otvaranja ponuda Zapisnik sa otvaranja je istog dana 28.05.2021. godine poslan svim ponuđačima putem e-maila.

Na Protokol Društva do roka određenog za prijem ponuda (28.05.2021. godine do 10:00 sati), pristigle su ponude sljedećih ponuđača:

1. „AUTODIJELOVI HADŽIĆ“ Travnik, Zenjak Centar I , 72 270 Travnik, predstavnik grupe ponuđača, ostali članovi grupe(Autoelektronika kalibunar ,Travnik, ul. INA Kalibunar 4)
2. „AUTO AKI“ d.o.o Travnik , Ulica Šehida bb, 72270 Travnik

Nakon izvršenog otvaranja ponuda Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te konstatovala slijedeće:

1. Ponuda ponuđača „AUTODIJELOVI HADŽIĆ“ Travnik, Zenjak Centar I , 72270 Travnik, predstavnik grupe ponuđača, ostali članovi grupe(Autoelektronika Kalibunar ,Travnik, ul. INA Kalibunar 4) sa popustom od 3.305,70 KM i ukupnom vrijednosti ponude sa ponuđenim popustom bez uračunatog PDV-a u iznosu od **29.751,30 KM**, ne ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno –pravno, ekonomski i tehnički **neprihvatljiva**.

Na osnovu analize dostavljene ponude od strane „AUTODIJELOVI HADŽIĆ“ Travnik ponuđača, Komisija Ugovornog organa je uočila nedostatak dokaza u smislu ispunjavanja uslova iz tačke 2.2. pod i 1) TD u kojem se kaže da je ponuđač u postupku nabavke autodijelova sa ugradnjom u vozila dužan dostaviti spisak **izvršenih Ugovora** o izvršenim uslugama koji su predmet nabavke u posljednje **tri godine** računajući od datuma otvaranja ponude ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine, koja sadrži najmanje jedan Ugovor koji je u vezi sa predmetom nabavke čija je minimalna vrijednost **15.000,00 KM bez PDV-a**.

Uz spisak izvršenih Ugovora ponuđač je dužan dostaviti minimalno jednu potvrdu koja je u vezi sa listom izvršenih usluga a koju daje druga Ugovorna strana o njihovoj realizaciji, a koje obavezno sadrže: naziv i sjedište Ugovornih strana ili privrednih subjekata, predmet Ugovora, vrijednost Ugovora, vrijeme i mjesto izvršenja Ugovora i navode o uredno izvršenim Ugovorima.

U slučaju da se takva potvrda iz objektivnih razloga ne može dobiti od Ugovorne strane koja nije Ugovorni organ, važi izjava ponuđača o uredno izvršenim Ugovorima, uz predočenje dokaza o učinjenim pokušajima da se takve potvrde obezbjede.

Naime, ponuđač je dostavio na stranici 50. spisak Ugovora:

1. Ugovor od 12.500,00 sa PDV-om, zaključen 07.01.2019. godine, broj: 04/2019 sa Olip Bosna d.o.o. Travnik iz Travnika i
2. Ugovor zaključen sa „ JU BOLNICA “ Travnik iz Travnika, broj: 10-9458/2 od 04.12.2019. godine na iznos od 1.191,00KM sa PDV-om.

Na stranici 51. potvrda o isporuci rezervnih dijelova koja je u vezi sa gore navedenim spiskom (Ugovor pod rednim brojem 1.)

Nadalje, na stranici 52. dostavljen spisak Ugovora:

1. Ugovor zaključen sa „ Trgovina Borac “ d.d. Travnik, dana 16.10.2019. godine, broj: 0101/19 na iznos od 5.950,00 KM, i
2. Ugovor br. 0302/20 od 03.02.2020. godine zaključen sa „ Trgovina Borac “ d.d. Travnik na iznos od 13.300,00 KM.



Na stranici 53. potvrda u vezi sa gore navedenim spiskom.

Dakle, niti jedan navedeni Ugovor ne ispunjava uslov tražen TD, te je ponuda ponuđača ocijenjena kao neprihvatljiva.

2. Ponuda ponuđača „**AUTO AKI**“ d.o.o Travnik , Ulica Šehida bb, 72270 Travnik, sa ukupnom vrijednosti ponude, bez uračunatog PDV-a u iznosu od **22.340,75 KM**, **ispunjava** sve pravne, ekonomske i tehničke uslove ugovornog organa definisane tenderskom dokumentacijom, te je ista ocijenjena kao formalno –pravno, ekonomski i tehnički **prihvatljiva**.

Cijeneći činjenično stanje, Komisija konstatuje da je za javnu nabavku roba: Nabavka dijelova i servisiranje vozila za potrebe Centra pošta Travnik, pristigla ukupno 1(jedna) prihvatljiva ponuda za Ugovorni organ.

Obzirom da je u propisanom roku na Protokol Društva prispjela samo jedna blagovremena i prihvatljiva ponuda, Komisija konstatuje da po članu 3., Stav (3) Pravilnika o uslovima i načinu korištenja e-aukcije (Službeni glasnik BiH, broj 66/16) nema uslova za održavanja iste.

Na osnovu navedenog činjeničnog stanja, rang lista ponuđača koji su ispunili kvalifikacione uslove je sljedeća:

Red. broj	Naziv ponuđača	Ukupna cijena ponude sa popustom bez PDV-a (KM)
1.	„ AUTO AKI “ d.o.o Travnik	22.340,75 KM

Obzirom da ponuda ponuđača „**AUTO AKI**“ d.o.o Travnik , Ulica Šehida bb, 72270 Travnik, u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela okvirnog sporazuma navedenom ponuđaču.

Cijeneći navedeno, te napomene iz tačke 6.1. TD („*Ponuđena cijena služi za rangiranje ponuđača na rang listi prihvatljivih ponuda, a sa odabranim ponuđačem će biti zaključen okvirni sporazum na procjenjenu vrijednost nabavke: 30.000,00 KM*“), donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.



GENERALNI DIREKTOR

mr. sci. Mirsad Mujić
mr. sci. Mirsad Mujić

Dostaviti:

- Centru pošta Travnik (Nosilac posla)
- Službi marketinga (za objavu)
- Sektoru za EKF poslove
- Odjeljenju za Javne nabavke
- Ponuđačima putem Odjeljenja za javne nabavke
- a/a

